

9. júní 2017.

Fundur nr. 9 á árinu 2017, í aðalstjórnar Vestra, kl 17.00 í Háskólasetrinu.

Um er að ræða fyrsta fund stjórnar eftir aðalfund Vestra, sem haldinn var 22 maí sl.

Mættir eru: Hjalti Karlsson, Guðfinna Hreiðarsdóttir, Sólrún Geirsdóttir, Sigurður Jón Hreinsson og nýkjörnir varamenn þau Jónas Gunnlaugsson og Jóna Lind Kristjánsdóttir.

Jafnframt tók Pétur G. Markan þátt í fundinum í gegnum síma.

Formaður bauð nýkjörna varamenn velkoma til starfa.

Gengið til dagskrár:

1. Skipting verkefna milli stjórnarmanna.

- Guðni Guðnason valinn gjaldkeri.
- Sigurður Hreinsson valinn ritari.
- Guðfinna Hreiðarsdóttir valin varaformaður.

2. Vallarhúsið á Torfnesi.

Fyrir fundinum liggja drög að afnotasamningi milli Vestra og Ísafjarðarbæjar um Vallarhúsið. Fram kom athugasemd við orðalag í annari málsgrein samningsdraganna. Varaformanni falið að fylgja þeim athugasemdum eftir og fá lagfært. Guðfinnu var jafnframt falið að undirrita samninginn fyrir hönd félagsins.

3. Yfirbyggður knattspyrnuvöllur á Torfnesi.

Áform um byggingu 45x70 fermetra byggingar með gervigrasi, á Torfnesi, eru að þokast einhvað áfram. Bæjaryfirvöld hafa tekið jákvætt í það að fjármagn sem hefur verið eyrnamerkt í framkvæmdir á Torfnesvelli, fari í byggingu knattspyrnuhúss. Forsvarsmenn Vestra og meistaraflokks karla í knattspyrnu hafa lýst yfir að með einhverjum hætti verði komið að því að fjármagna bygginguna á móti bænum. Enn er hinsvegar ekkert til á blaði um með hvaða hætti slíkt getur orðið.

Stofna þarf starfshóp vegna byggingaráformanna og leggur formaður til að fyrir hönd stjórnar verði Gísli Jón Hjaltason í starfshópnum. Þá er lagt til að knattspyrnudeild skipi tvo aðila í starfshópinn.

Þá er jafnframt ljóst að senda þarf erindi á bæinn, þar sem óskað verði eftir formlegum viðræðum um framhaldið og með hvaða formi samstarfið verði unnið áfram. Dæmi um form sem geta verið á framhaldinu: Ein leiðin væri að gera uppbyggingarsamning, þar sem Ísafjarðarbær legði til ákveðna upphæð en Vestri væri framkvæmdaraðili. Önnur leið gæti verið að stofnað væri hlutafélag um að reisa bygginguna. Þriðja leiðin gæti svo verið að bærinn reisti húsið og Vestri legði til ákveðna upphæð. Í öllu falli væri heppilegt að fljólega verði komin nokkuð skýr mynd á það, hvaða hlutverki hvor aðili gegnir, hversu miklu fjármagni Vestri og knattspyrnudeildin þarf að safna og hvaða mögulegu tímalínu verði er að tala um í sambandi við framkvæmdir.

Fleira ekki gert og fundi slitið kl 17:20.

Fundargerð ritaði Siggí Hreins